



UNIVERSITÄTS-
BIBLIOTHEK
PADERBORN

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Cap. 7. Iuspatr. an possit cum Vniuersitate obligari, seu dari in dotem.

[urn:nbn:de:hbz:466:1-61772](https://nbn-resolving.org/urn:nbn:de:hbz:466:1-61772)

CAPVT SEPTIMVM.

Iuspatronatus an possit cum Vniuersitate obligari,
seu dari in dotem.

SUMMARIVM.

- 1 *Iuspatronatus nõ potest obligari cum vniuersitate.*
 - 2 *Transit autem in sequestrarium.*
 - 3 *Idq; procedit, siue iuspatronatus siue Vniuersitas sequestratur.*
 - 4 *Iuspatronatus de per se non potest dari in dotem.*
 - 5 *Transit tamen cum Vniuersitate data in dotem.*
 - 6 *Iuspatronatus transit in Vusufructuarium omnium bonorum.*
- 1 **I**uspatronatus etiam † cum Vniuersitate non potest obligari. faciunt dicta per Bartolum in l. si is qui. §. iura. numero 2. ff. de pignor. & ratio ponitur à Lambertino de iurepatronatus. lib. 1. par. 2. quæst. 9. art. 2. quod
- 2 tamen † transit ad illum, penes quem est factum sequestrum, itaut ille sequester presentare possit. Doctores in cap. examinata. vbi Innocentius numero 1. & Felinus numero 10. de iudic. idem Felinus in cap. cum Bertoldus. numero 30. de re iudic. Petr. de Ancharano in clem. vnica colum. 1. de sequestr. possess. & fruct. Et hoc procedit † siue iuspatronatus sequestratur de per se, siue sequestratur aliqua Vniuersitas, in qua sit iuspatronatus, & hanc esse magis communem opinionem testatur Lambertinus vbi supra. articulo 3. In Depositarium autem non transit, nisi depositum sit factum in vim sequestri. Lambertinus vbi supra articulo 4.
- 4 Insuper iuspatronatus † de per

per se consideratum non potest dari in dotem; quia ius patronatus non transit titulo oneroso, nisi cum Vniuersitate. Doct. in cap. ex litteris, & in cap. cum seculum de iure patronatus. Titulus autem dotis est particularis regulariter, quamuis dos sit ius vniuersale: si tamen † detur Vniuersitas in dotem, cum ea transit ius patronatus. Lambertinus vbi supra questione 10. articulo 2. numero 10.

6 Et eadem ratione, † si vxor sit relicta vsufructuaria om-

nium bonorum hæreditariorum, & in hæreditate sit ius patronatus, ipsa debet præsentare, late Lambertin. vbi supra. articulo tertio. Cardinal. Mantica decis. 140. vbi numero 13. dicit ius patronatus transire cum Vniuersitate data in dotem; melius tamen, & tutius est, cum proprietarius, & vsufructuarius sint quasi socij. l. 4. ff. de vsufructu, quod in casu vocationis simul præsentent proprietarius, & vsufructuarius, ad lites tollendas.

CAPVT OCTAVVM.

Quomodo per præscriptionem transferatur ius patronatus.

SUMMARIVM.

- 1 Ius patronatus transfertur per præscriptionem.
- 2 Præscribens Vniuersitatem præscribit ius patronatus in ea contentum.
- 3 Præscripto vno fructu ius patronatus non sunt præ-

scripti alij.

- 4 In dicta præscriptione requiritur tempus quadraginta annorum.
- 5 Item bona fides.
- 6 Concil. Trid. sess. 25. de reform. cap. 9. seruetur.
- 7 Ius patronatus transfertur per sententiam.

8 Item